

**PEBA KIN MELELE KO REJIMWE ÑAN ARMIJ RO REJ BŌKE IM  
ARMIJ RO REJ LALE ER  
KŌMELIM ÑAN KŌJERBAL ILO IDIN IEN WĀ IN COVID-19 EO AN MODERNA IM  
WĀ IN COVID-19 EO AN MODERNA EWŌR RUO MŌTTAN NAÑINMIJ EO KOBBAN  
(KIJ EO MOKTA IM OMICRON BA.4/BA.5) ÑAN BOBRAE JEN NAÑINMIJ IN  
CORONAVIRUS 2019 (COVID-19)**

**ÑAN RO 6 ALLŌÑ ÑAN 5 IIŌ DETTAER**

Remaroñ lewāj Wā in COVID-19 eo an Moderna ak Wā in COVID-19 an Moderna, Ewōr ruo mōttan nañinmij eo kobban ,(kij eo mokta im Omicron BA.4/BA.5), im ijin maanlok jenaj ba Wā in COVID-19 eo an Moderna, Ewōr ruo mōttan nañinmij eo kobban, ñan bobrae jen Nañinmij in Coronavirus eo an 2019 (COVID-19) im ear wālok jen SARS-CoV-2.

Peba in kin Melele ko Rejimwe ñan Armej ro rej Bōke Wā eo im ro Rej Lale er ekoba Peba eo kōn Melele ko Rejimwe ñan Wā in COVID-19 eo an Moderna, im Wā in COVID-19 an Moderna, Ewōr ruo mōttan nañinmij eo kobban ñan kajojo ajiri ro 6 aer allōñ mae 5 iiō dettaer.<sup>1</sup>

Emōj an Wā in COVID-19 eo an Moderna bōke juon Komelim ñan Kōjermal ilo Idin Ien (EUA) jen FDA ñan lelok:

- wā ko jinoin ruo ien wā ñan kajojo armij ro 6 aer allōñ mae 5 aer iiō; im
- ej wā eo kein kajilu jen wā ko jinoin ñan kajojo ajri ro 6 aer allōñ mae 5 aer iiō im rūttolok kin jet kain ñaninmij ko rej kaḃōjḃo an ānbwinnier maroñ bōbrae jen nañinmij.

Wā in COVID-19 eo an Moderna, Ewōr ruo mōttan nañinmij eo kobban, emōj lelok juon EUA jen FDA ñan lelok juon wā in kakajur ñan kajojo ro 6 aer allōñ mae 5 aer iiō jab diklok jen 2 allōñ alikin aer kadedelok wā ko aer jinoin jen Wā in COVID-19 eo an Moderna.

Wā in COVID-19 eo an Moderna im Wā in COVID-19 eo an Moderna, Ewōr ruo mōttan nañinmij eo kobban rejab melim jen FDA ñan kōjermal ibben kajojo ro 6 aer allōñ mae 5 aer iiō.

Peba in kōn Melele ko Rejimwe kōn Wā eo ñan jibañ kwe melele kōn uwōta im jibañ ko jen Wā in COVID-19 eo an Moderna im Wā in COVID-19 eo an Moderna, Ewōr ruo mōttan nañinmij eo kobban , im ajiri eo nejūm emaroñ bōke kōnke ewōr juon jorrāan in COVID-19 ilo ien in

<sup>1</sup>Kwōmaroñ naj loe Peba in kin Melele ko Rejimwe jekdoon ajiri eo nejum 6 an iiō. Ajiri ro renaj 5 ñan 6 aer yiō im rej bed kotoan wā ko jinoin remaroñ boke jadbewōt wā ko jinoin, emaroñ: (1) Wā in COVID-19 eo an Moderna emōj komelim an ro 6 aer allon ñan 5 aer yiō kojerbale; ne ejab (2) Wā in COVID-19 eo an Moderna emōj komelim ñan kajojo ro 6 ñan 11 aer yiō.

emōj an jelōte aolepān lal in. Kenono ippān armij eo ej lewaj wā eo elañe ewōr aṃ kajitōk.

Wā in COVID-19 eo an Moderna im Wā in COVID-19 eo an Moderna, Ewōr ruo mōttan nañinmij eo kobban emaroñ jab kōjbarok aoleb armij.

Emaroñ kar kōkkāal melele ko kobban Peba in kin Melele ko Rejimwe. Ñan Peba eo aliktata kin Melele ko Rejimwe, jouj im lale [www.modernatx.com/covid19vaccine-eua](http://www.modernatx.com/covid19vaccine-eua).

## **TA EO KWŌJ AIKUJ JELĀ MOKTA JEN AN AJIRI EO NEJUM BŌKE WĀ IN**

### **TA IN COVID-19?**

COVID-19 ej wālok jān coronavirus eo etannin SARS CoV-2. Jejañin loe kain coronavirus rōt in. Kwōmaroñ bōke COVID-19 ilo am bed iturin bar juon armij eo ewōr nañinmij in ippān. Eļapļok an nañinmij in emmenono im ej jelōte mōttan ko jet ilo ānbwinnid. Armij ro ewōr COVID-19 ibbeir emōj aer kōjella kin eloñ kain kakōlkōl ko roktak, jen kakōlkōl ko redik ñan kauwōtata. Kakōlkōl ko remaroñ wālok iomwin 2 ñan 14 raan ālikin am kar kebaak kij in nañinmij eo. Kakōlkōl ko remaroñ ekoba: pipa ak bio, pokpok, kajjinōk, mōk, metak majel ak enbwin, metak bar, ekāal an ejellok neman ak bwinn jabdewōt, metak būro, bōn ak toor boti; maloñloñ ak mōmmo; bidodo loje.

### **EWI WĀWEEN AN WĀ IN COVID-19 EO AN MODERNA IM WĀ IN COVID-19 EO AN MODERNA EWŌR RUO MŌTTAN NAÑINMIJ EO KOBAN EINWŌT DOON?**

Wa in COVID-19 eo an Moderna, Ewōr ruo mōttan nañinmij eo kobban ej komman ilo eja waween an komman Wā in COVID-19 eo an Moderna, botab ebar wor mōttan Omicron kobban ñan jiban bōbrae jen COVID-19 im ear walok jen oktak eo an Omicron im ej juon kij in SARS-CoV-2.

Ñan melele ko relablok kin EUA, lale “**Ta in juon Kōmelim ñan Kōjerbal ilo Idin Ien (EUA)?**” jikin eo ilo jemlokin Peba in kin Melele ko Rejimwe.

### **TA EO KWŌJ AIKUJ BA ÑAN ARMEJ EO EJ LEWAJ WĀ MOKTA JEN AN AJIRI EO NEJUM BŌKE JABDEWŌT WĀ KEIN?**

Ba ñan armej eo ej lewaj wā eo aṃ kōn aolep nañinmij ko an ajri eo nejūm, ekoba elañe ewōr an ajri eo nejūm:

- jabdewōt men ko ej kadeki ak abñōñōike
- emōj an kar wōr aṃ myocarditis (ebbōj ilo majel in menono) ak pericarditis (ebbōj ilo tōrerein menono)
- ewōr piba
- ewōr nañinmij in bōtōktōk ak ej ebōk wūno in joļok mekak in bōtōktōk
- emōjñō an ānbwinnim maroñ bōbrae jān nañinmij ak kwōj idaak wūno ej kōmman an mōjñō an ānbwinnim bōbrae jān nañinmij
- emōj ke aṃ kar bōke bar juon wā in COVID-19
- emōj aṃ kar lotļok jān wā

## **WON RO REJABAUKUJ BŌKE WĀ IN COVID-19 EO AN MODERNA IM WĀ IN COVID-19 EO AN MODERNA EWŌR RUO MŌTTAN NAÑINMIJ EO KOBAN ?**

Ajiri eo neĵum ejab aikuj bōke jabdewōt iaan wā kein elañe ajri eo neĵum:

- ekkar wōr am abnōnō kauwōtata ear walok jen Wā in COVID-19 eo an Moderna moktalok
- ekkar wōr am abnōnō kauwōtata ear wālok jān jabdewōt men ko kobban wā in

### **TA KARRE KO KOBAN WĀ KEIN?**

Wā in COVID-19 eo an Moderna im Wā in COVID-19 eo an Moderna, Ewōr ruo mōttan nañinmij eo kobban ewōr kobban kein laajrak: messenger ribonucleic acid (mRNA), lipids (SM-102, polyethylene glycol [PEG] 2000 dimyristoyl glycerol [DMG], cholesterol, im 1,2-distearoyl-sn-glycero-3-phosphocholine [DSPC]), tromethamine, tromethamine hydrochloride, acetic acid, sodium acetate trihydrate, im sucrose.

### **EWI WĀWEEN AER LELOK WĀ KEIN?**

Wā in COVID-19 eo an Moderna im Wā in COVID-19 eo an Moderna, Ewōr ruo mōttan nañinmij eo kobban renaj lelok ñan ajiri eo neĵum ilo aer wāiki majel in enbwinnim.

Wa ko Jinoin: Wā in COVID-19 eo an Moderna rej lelok kin ruo wā, 1 allōñ alikin doon. Wā eo kein kajilu jen wā ko jinoin remaroñ lewāj jab diklok jen 1 allōñ alikin wā eo kein karuo ñan kajojo armij ro emōj loe emojno an enbwinnier maroñ bōbrae jen nañinmij.

Wā in Kakajur: Wā in COVID-19 eo an Moderna, Ewōr ruo mōttan nañinmij eo kobban rej lelok einwot juon wā in kakajur jab diklok jen 2 allon alikin an dedelok wā eo jinoin kin Wā in COVID-19 eo an Moderna.

### **EMŌJ KE KAR KOJERBAL WĀ KEIN MOKTALOK?**

Milien armij ro 6 allōñ dettaer im rūttolok emōj aer boke Wā in COVID-19 eo an Moderna iomwin juon EUA. Ilo katak in wūno ko, tarrin 5,000 kajojo armij ro 6 allōñ ñan 5 aer iiō emōj aer bōke jab diklok jen 1 wā ko jen Wā in COVID-19 eo an Moderna. Ilo katak ko an wūno, tarrin 4,000 kajojo armij ro 6 aer iiō ñan 11 aer iiō, im 30,000 kajojo armij ro 12 aer iiō rar bōke jab diklok jen 1 Wā in COVID-19 eo an Moderna.

Milien kajojo armij ro 6 aer iiō im rūttolok emōj aer bōke Wā in COVID-19 eo an Moderna, Ewōr ruo mōttan nañinmij eo kobban (kij eo Mokta im Omicron BA.4/BA.5) iomwin EUA. Ilo katak ko an wūno, tarrin 400 armij ro 18 aer yiō im rūttolok rar boke 1 wā ewōr ruo mōttan nañinmij eo kobban im oktak jen Wā in COVID-19 eo an Moderna, Ewōr ruo mōttan nañinmij eo ekobban bwe oktak Omicron eo kobban.

### **TA JIBAÑ KO JĀN WĀ KEIN?**

Emōj an Wā in COVID-19 eo an Moderna kwalok ej bōbrae jen COVID-19. Emōj an FDA komelimm Wā in COVID-19 eo an Moderna, Bivalent ñan lewāj kein bobrae jān COVID-19 im ear wālok jān oktak in Omicron im ej mottan SARS-CoV-2.

Ejañin wōr melele joñan aitok ad maroñ bōbrae jān COVID-19.

## TA UWŌTA KO REMAROŃ WĀLOK JĀN WĀ KEIN?

Elukkun dik an wā kein maroñ lewāj juon abnōnō kauwōtata. Juon abnōnō kauwōtata ekkā an wālok alikin jet minit ñan juon awā jān ien eo kwār bōke wā eo. Kōn mennin, jikin eo ej lewaj wā emaroñ kajjitōk an ajri eo nejūm kōttar ilo jikin eo raar wāiki eok ñan aer lale kwe ñe ewōr abñōñō ippān ajri eo nejūm ālikin an wā. Kakōļle ko kōn juon abñōñō kauwōtata emaroñ koba:

- Abañ in emenono
- Ebbōj iturin mejam im buruom
- Mōkaj an paam menono
- Nennab eo eñana ilo aoleben enbwinnim
- Addeboulul im mōjño

Myocarditis (ebbōj ilo majel in menono) im pericarditis (ebbōj ilo torerein menono) emōj an walok ibben jet armij ro rar bōke Wā in COVID-19 eo an Moderna im Wā in COVID-19 eo an Moderna, Ewōr ruo mōttan nañinmij ko kobban. Ilo eloñ ian armij rein, kakōlkōl kein rar jino iloan jet raan alikin aer kar wā. Elukkun dik an maroñ waļok mennin. Kwōj aikuj bukōtļok taktō ilo iien eo wōt elañe jabdewōt kakōļkōļ kein laajrak renaj waļok ālikin an ajri eo nejūm bōke wā eo, elabtata ilo 2 wiik alikin an ajri eo nejūm bōke juon wā:

- Metak ob
- Kajjinōk ak abañ ilo an emenono
- Añ enjaak an mokaj an paam menono, ibikbik, ak ļap an paam menono
- Lotlok
- Ekāāl im ejab bōjrak an nana tamwin
- Ekāāl im ejab bōjrak an nana an mōñā
- Ekāāl im ejab bōjrak an mōk ak jab kōnaan jabdewōt
- Ejab bōjrak an mōmmōj
- Ejab bōjrak an metak lojeen
- Ekāāl im ejab bōjrak an molo im oo kilin

Abnōnō ko rar wālok alikin wā im emōj kōjella kaki ilo katak ko an wūno ikijān wā kein ekoba:

- Jorraan ko ilo jikin eo rar wāiki: metak, bin im ebboj iloan ilo ba eo rar wāiki ak lotañan, ebboj (bin), im būroro, im ebbōj (ebin)
- Abnōnō ko ekkā aer wālok: mōk, metak bar, metak majel, metak majel, metak jimwin ba im ne, biō, mōlanlōn im mōmnoj, piba, metak jimwin ba an ne, abnōnō/jañ, mejki, im jab kōnaan mōñā

Abnōno ko emōj kojella kaki ilo ien aer kar kojerbal alikin komelim ekoba:

- Abñōñō ko rekauwōtata
- Nennab (ebōnejnej)
- Myocarditis (ebbōj ilo majel in menono)
- Pericarditis (ebbōj ilo tōrerein menono)
- Lotlok jān aer lewāj wā eo

Emaroñ ejab aoleben abnōnō ko kein remaroñ wālok jān wā kein. Abnōnō kauwōtata im jejjab katmani remaroñ wālok. Rej katak wōt kin abnōnō ko remaroñ wālok jān wā kein.

## **TA EO IJ AIKUJ KŌMMANE JĀN ABŊŌŊŌ KO REJ WALŌK JĀN WĀ KO?**

Ñe kwōj ioone juon abŊŌŊŌ eo ekauwōtata, kūrloḱ 9-1-1, ñe ejab etal ñan aujpitōl eo epaaktata ñan kwe.

Kūrloḱ jikin wā eo ak taktō eo aḡ ak an ajri eo nejūm elañne ewōr jabdewōt an ajri eo nejūm jorrāan ko rej kabŊŌŊŌ kwe ak ajri eo nejūm im rejab bōjrak.

Kōjella kin abŊŌŊŌ ko rej walok jen wā ñan FDA im Opij eo ej bōk eddon kejbarok im bōbrae jen nañinmij (CDC) **Kein Jerbal eo kin Kōjella kin AbŊŌŊŌ ko rej Walok jen Wā (VAERS)**. Nomba eo an VAERS ejellok wonnen kūrloḱ ej 1-800-822-7967 ñe ejab kōjella online ñan <https://vaers.hhs.gov/reportevent.html>. Jouj im likut Wā in COVID-19 eo an Moderna ak Wā in COVID-19 eo an Moderna, Ewōr ruo mōttan nañinmij eo kobban, EUA”, einwot ekkar, ilo lain eo an bok #18 ilo peba in ripoot eo.

Im bareinwot, kwomaroñ kojella kin abnono ko ñan ModernaTX, Inc. ilo 1-866-MODERNA (1-866-663- 3762).

Remaroñ bar lewāj juon wāween ñan am kadeloñ etam ilo **v-safe**. **V-safe** ej juon kein jermal ilo smartphone ekaal im an armij make bebe in kōjerbale ej kōjermal text majej im wāanjoñok ko ilo bwe ippān armij ro emōj aer wā ñan kalikar abŊŌŊŌ ko remaroñ wālok alikin aer bōk wā eo an COVID-19. **V-safe** ej lelok kajitōk ko rej jibañ an CDC lale an ejellok jorrāan ilo wā ko an COVID-19. **V-safe** ej bar lelok bwe ren lale ilo talebon ippān CDC elañe armij ro renaj ripoot kin jorrāan in ejmour eo elab joñan alikin aer bōk wā eo an COVID-19. Ñan melele ko relablok kin wāween am kadeloñ etam, lale: [www.cdc.gov/vsafe](http://www.cdc.gov/vsafe).

## **AK NE INAJ KELET AN AJIRI EO NEJU JAB BŌKE WĀ IN COVID-19 EO AN MODERNA, AK WĀ IN COVID-19 EO AN MODERNA, EWŌR RUO MŌTTAN NAÑINMIJ EO KOBBAN?**

Iomwin juon EUA, kwōmaroñ kelet in bōke ak jab bōke wā eo. Ñe kwōnaj kelet an ajri eo nejūm jab bōke jabdewōt wā kein, eban koktak joñan aer lewaj jibañ in kōḡadḡōd ko jEn taktō.

## **TA KELET KO JET EWOR ÑAN BOBRAE JEN COVID-19 IJELLOKUN WĀ IN COVID-19 EO AN MODERNA AK WĀ IN COVID-19 EO AN MODERNA, EWŌR RUO MŌTTAN NAÑINMIJ EO KOBBAN?**

Ñan wā ko jinoin ibben ajiri ro 6 aer allōñ mae 5 aer iiō, wā ko jet rej bōbrae jen COVID-19 emaron wōr iomwin juon EUA. Ñan wā in kakajur ko ñan ajiri ro 5 aer iiō im emōj aer kadedelok wā ko aer jinoin kin juon wā in COVID-19 emōj an FDA kōmelim, wā ko jet ewōr ruo mōttan nañinmij ko kobban im ewōr Omicron im ej mōttan SARS-CoV-2 emaron wōr iomwin juon EUA. Ñan wā in kakajur ko ñan ajiri ro 6 aer allōñ mae 4 aer iiō im emōj aer kadedelok wā ko aer jinoin kin Wā in COVID-19 eo an Moderna, Wā in COVID-19 eo an Moderna, Ewōr ruo mōttan nañinmij ko kobban ej wā eo wōt iomwin EUA.

## **IMAROÑ KE AK AJIRI EO NEJU EMAROÑ KE BŌKE WĀ IN COVID-19 EO AN MODERNA AK WĀ IN COVID-19 EO AN MODERNA, EWŌR RUO MŌTTAN NAÑINMIJ EO KOBBAN ILO EJJA IEN EO IJ BOKE WĀ KO JET?**

Ejanin wor melele emōj lelok ñan FDA kin aer lelok Wā in COVID-19 eo an Moderna im Wā in COVID-19 eo an Moderna, Ewōr ruo mōttan nañinmij ko kobban ilo ejja ien eo juon ej boke wā

ko jet. Ne kwōj lomnak am ak an ajiri eo nejum bōke Wā in COVID-19 eo an Moderna im Wā in COVID-19 eo an Moderna, Ewōr ruo mōttan nañinmij ko kobban ippān wā ko jet, kenono ta ko kwomaroñ boke ippān takto eo am ak taktō eo an ajiri eo nejum.

### **AK ÑE EWŌR MŌJŅŌ KO ÑAN AN AJIRI EO JAB MAROÑ BŌBRAE JEN NAÑINMIJ?**

Ñe emōjñŋ an ajiri eo nejum maroñ bōbrae jen nañinmij, remaroñ lewaj bwe kwōn kelet elañe ajiri eo nejum ej bōke wā eo kein kajilu jen Wā in COVID-19 eo an Moderna. Ajiri ro 6 aer allōñ mae 5 aer iiō im emojno an enbwinnier maron bōbrae jen nañinmij im emōj aer kadedelok wā ko jino in kin Wā in COVID-19 eo an Moderna remaron bōke juon wā in kakajur jen Wā in COVID-19 eo an Moderna, Ewōr Ruo Mōttan Nañinmij eo Kobban. Wa ko remaron jab lewaj aoleben joñan eo aikuj ñan bobrae jen nañininmij in COVID-19 ibben armij ro emojno an enbwinnier maron bōbrae jen nañinmij, im kwōj aikuj woñmaanlok in kejbarok wāween am makūtkūt nan jibañ bōbrae jen COVID-19. Armij ro elab am kebaak ajiri eo nejum rej aikuj bar wā einwōt an ekkar.

### **WĀ KEIN RENAAJ KE LEḶŌK COVID-19 ÑAN AJIRI EO NEJU?**

Jab. EjeḶḶok SARS-Cov-2 kobban wā kein im reban lewaj COVID-19 ñan ajiri eo nejum.


## KŌJPAROK KAAT IN WĀ EO AN AJRI EO NEJŪM

Ilo iien an ajri eo nejūm bōke wā in COVID-19 kein kajuon, kwōnaaj bōke juon kaat in wā. Kememej in boktok kaat eo am ilo ien am rooltok.

## MELELE KO RELABLOK

Ñe ewōr am kajitōk, lale website eo ñe ejab kūrlok nomba in talebon eo emōj lewāj ilal.

Ñan loe Peba ko kin Melele ko Rejimwe rekāāltata, scan ae kakōlle in QR eo emōj lewāj ijin lal.

Website eo an Wā in COVID-19 eo an Moderna	Nomba in talebon
<a href="http://www.modernatx.com/covid19vaccine-eua">www.modernatx.com/covid19vaccine-eua</a> 	1-866-MODERNA (1-866-663-3762)

## EWI WĀWEEN AŌ BŌK MELELE KO RELAPLOK?

- K ajitōk ippān jikin eo ej lewāj wā eo
- Lale CDC ilo <https://www.cdc.gov/coronavirus/2019-ncov/index.html>
- Lale FDA ilo <https://www.fda.gov/emergency-preparedness-and-response/mcm-legal-regulatory-and-policy-framework/emergency-use-authorization>
- Kebaak opij eo an ejmour an state bukon eo am

## IA EO RENAAN KAKWŌNE MELELE IN WĀ EO AN AJRI EO NEJU?

Jikin eo ej lewāj wā eo emaroñ kōbaiki melele in wā eo an ajri eo nejūm ilo Kein Jerbal eo an Melele in Wā an state/jukjukin-pād eo am (IIS) ak ilo bar juon kein jermal. Ñan melele ko relablok kin IIS, lal: <https://www.cdc.gov/vaccines/programs/iis/about.html>.

## REMARON KE LETŌK JUON WONNEN KŌMADMŌD KIN AŌ BŌKE WĀ IN COVID-19 EO?

Jab. Ilo ien in, jikin eo ej wāiki eok eban lewāj wonnen wā eo im kwōban elo wonnen eo kwōj make kolla kin aer kōmadmōde wā eo ak jabdewōt bar wonnen elañe kwōj bōke wōt wā in COVID-19 eo. Bōtab, ro rej lewāj wā remaroñ kabōk an roollok wonnen eo jān juon burokraam ak injuran eo ej kollaiki wonnen aer kōmadmōde wā in COVID-19 eo ñan armij eo ej wā (injuran an kombani, Medicare, Medicaid, HRSA COVID-19 Burokraam an Ejellok Injuran ñan armij ro rej bōke wā eo im ejellok aer injuran).

## IA EO IMAROÑ RIPOOT MELELE KO IJ LOMNAK EWŌR KOOT?

Kajojo armij ro remaron jelā kin jabdewōt ruprup in mennin aikuj ko an Burokraam in Wā eo an COVID-19 an CDC emōj rōjañ aer ripoot kaki ñan Opij eo an Rijerbal eo ej Etale (Office of the Inspector General), U.S. Department of Health and Human Services, ilo 1-800-HHS-TIPS ak TIPS.HHS.GOV.

## TA BUOKRAAM IN JIBAN JĀN JORRĀAN REMAROÑ LETŌK?

Burokraam in Jibañ kin Kolla jån Jorrään ko Remaroñ Wālok (CICP) ej juon burokraam an federal emaroñ jibañ kolla wonnen taktō im jejjetin wonnen ko jet ñan jet armij ro emōj an kauwōtata jorrään ko aer jån jet wūno ak wā, ekoba wā in. Ekka, jej aikuj lelok juon claim ñan CICP iloan juon (1) yiō jen raan eo jar bōke wā eo. ñan bōk melele ko relablok kin burokraam in, lale [www.hrsa.gov/cicp/](http://www.hrsa.gov/cicp/) ñe ejab, kūrlok 1-855-266-2427.

### **TA JUON KŌMELIM ÑAN KŌJERBAL ILO IDIN IEN (EUA)?**

EUA eo ej juon wāween kōlaajrak an wōr im ad maroñ kōjermal mweiuk in taktō ko, ekoba wā, ilo ien idin nañinmij ko rejelōt armij, einwōt jorrään in COVID-19 eo kiō emōj an jelōte aoleben lal in. EUA eo ej jibañ kin kōjella eo jån Secretary eo jån Opij eo ej bōk eddon Jerbal in Jibañ ko ikijån Ejmour im ñan Armij (HHS) ke emōn an wōr wāween ko rej kamool ad aikuj mweiuk in taktō ko ilo idin ien ilo ien jorrään in COVID-19 eo kiō emōj an jelōte aoleben lal in. Juon mweiuk eo emōj kōmelim ñan kōjermal ilo idin ien ejañin de bed ilo kain etale eo jån FDA einwōt juon mweiuk FDA emōj an kōmelim.

FDA emaroñ lelok juon EUA ilo ien etōbrak jejjetin wāween ko, im ekoba ejellok wāween ko jet rebwe joñaer, emōj kōmelim, im ewōr. Im bareinwōt, kelet eo an FDA ej ekkar ñan aoleben kein kamool in katak ko an science ewōr im rej kwālok ke mweiuk eo emaroñ jejjet an jermal ñan bōbrae jån COVID-19 ilo ien jorrään in COVID-19 eo ear jelōte aoleben lal in im ke jibañ ko emōj ad jela kaki im remaroñ wālok jån mweiuk eo elablok ad jela jån uwōta ko remaroñ wālok jån mweiuk eo. Aoleb wāween kein rej aikuj tōbrak ñan kōmelim an mweiuk eo jermal ilo ien jorrään in COVID-19 eo emōj an jelōte aoleben lal in.

Juon EUA ejejjet kūtien ñan aoleben ien kōjella in EUA eo ñan COVID-19 ej kamool ad kōjermal mweiuk in ilo idin ien, ijellokun ñe emōj kabōjrak ak jolok (alikin innem mweiuk eo emaron jako ad kōjerbale).

Moderna US, Inc.  
Cambridge, MA 02139

©2022 ModernaTX, Inc. Emoj dabij aoleb maron.

Maron eo/ko nan kamo an bar juon kojermal: [www.modernatx.com/patents](http://www.modernatx.com/patents)

Emōj kōkkāal melele: Tijemba 7, 2022



Kakōlle in QR Scan ñan pija ke Peba in kin Melele ko Rejimwe emōj kar lelok ñan armij eo ej bōke wā eo ñan rekoot in taktō ko online/kein jermal ko kin melele in wā.

GDTI: 0886983000516

PN 1130805 (12/12/2022)